

0
1cm
2
3
4
5
6
7
8
9
10
11
12
13
14
15
16
17
18
19
20
21
22
23
24
25
26
27
28



浙江圖書館

國立浙江大學
圖書館

書號 8344
367

浙 江 圖 書 館

登記號 106002

李詩選卷三

贈

○贈孟浩然

吾愛孟夫子。風流天下聞。
紅顏棄軒冕。白首臥松雲。
醉月頻中聖。迷花不事君。
高山安可仰。徒此揖清芬。

○贈郭將軍

將軍少年出武威。入掌銀臺護紫微。
平明拂劍

楊曰俗本首句作將軍豪蕩有英威

浙江圖書館



乃妄人亂改者當
以古本為正

范德機曰律詩必
須守規矩試看此
等五言何其嚴哉
今人虛實輕重且
不甯為乎律

朝天去薄暮垂鞭信馬歸愛子臨風吹玉笛美
人向月舞羅衣疇昔豪雄如夢裏相逢且欲醉
春暉

口號贈徵君鴻

陶令辭彭澤梁鴻入會稽我尋高士傳君與古
人齊雲臥畱丹壑天書降紫泥不知楊伯起早
晚向關西

○經亂離後天恩流夜郎憶舊遊書懷贈江

浙

書館

夏韋太守良宰

天上白玉京。十二樓五城。仙人撫我頂。結髮受
長生。誤逐世間樂。頗窮理亂情。九十六聖君。浮
雲挂空名。天地賭一擲。未能忘戰爭。試涉霸王
略。將期軒冕榮。時命乃大謬。棄之海上行。學劍
翻自哂。爲文竟何成。劍非萬人敵。文竊四海聲。
兒戲不足道。五噫出西京。臨當欲去時。慷慨泪
沾纓。嘆君侗儻才。標舉冠羣英。開筵引祖帳。慰

此遠徂征。鞍馬若浮雲。送余驃騎亭。歌鐘不盡
意。白日落昆明。十月到幽州。戈鋌若羅星。君王
棄北海。掃地借長鯨。呼吸走百川。燕然可摧傾。
心知不得語。却欲棲蓬瀛。彎弧懼天狼。挾矢不
敢張。攬涕黃金臺。呼天哭昭王。無人貴駿骨。騷
耳空騰驤。樂毅儻再生。于今亦奔亡。蹉跎不得
意。驅馬還貴鄉。逢君聽絃歌。肅穆坐華堂。百里
獨太古。陶然臥羲皇。徵樂昌樂館。開筵列壺觴。

賢豪間青娥。對燭儼成行。醉舞紛綺席。清歌繞
飛梁。歡娛未終朝。秩滿歸咸陽。祖道擁萬人。供
帳遙相望。一別隔千里。榮枯異炎涼。炎涼幾度
改。九土中橫潰。漢甲連胡兵。沙塵暗雲海。草木
搖殺氣。星辰無光彩。白骨成丘山。蒼生竟何罪。
幽關壯帝居。國命懸哥舒。長戟三十萬。開門納
兇渠。公卿如犬羊。忠謹醢與菹。二聖出遊豫。兩
京遂丘墟。帝子許專征。秉旄控強楚。節制非桓

文軍師擁熊虎。人心失去就。賊勢騰風雨。惟君
固房陵。誠節冠終古。僕臥香鑪頂。食霞漱瑤泉。
門開九江轉。枕下五湖連。半夜水軍來。潯陽滿
旌旂。空名適自誤。迫脅上樓船。徒賜五百金。棄
之若浮煙。辭官不受賞。翻謫夜郎天。夜郎萬里
道。西上令人老。掃蕩六合清。仍爲負霜草。日月
無偏照。何由訴蒼昊。浪牧稱神明。深仁恤交道。
一忝青雲客。三登黃鶴樓。顧慚禰處士。處對鸚

揚曰林邑記云播
移樹柯節發根下
垂虛中森羅望之
似懸髮

鷓洲。樊山。霸氣盡。寥落天地秋。江帶峨眉雪。川
橫三峽流。萬舸此中來。連帆過揚州。送此萬里
目。曠然散我愁。紗窻倚天開。水樹綠如髮。窺日
畏銜山。促酒喜得月。吳娃與越豔。窈窕誇鉛紅。
呼來上雲梯。含笑出簾櫳。對客小垂手。羅衣舞
春風。賓跪請休息。主人情未極。覽君荆山作。江
鮑堪動色。清水出芙蓉。天然去雕飾。逸興橫素
襟。無時不招尋。朱門擁虎士。列戟何森森。剪鑿

竹石開。縈流漲清深。登樓坐水閣。吐論多英音。
片辭貴白璧。一諾輕黃金。謂我不愧君。青鳥問
丹心。五色雲間鵲。飛鳴天上來。傳聞赦書至。却
放夜郎回。暖氣變寒谷。炎煙生死灰。君登鳳池
去。忽棄賈生才。桀犬尚吠堯。匈奴笑千秋。中夜
四五歎。常爲大國憂。旌旆夾兩山。黃河當中流。
連雞不得進。飲馬空夷猶。安得羿善射。一箭落
旄頭。

○江上贈竇長史

漢求季布魯朱家。楚逐伍胥去章華。萬里南遷
夜郎國。三年歸及長風沙。聞道青雲貴公子。錦
帆遊戲西江水。人疑天上坐樓船。水淨霞明兩
重綺。相約相期何大深。棹歌搖艇月中尋。不同
珠履三千客。別欲論交一片心。

贈漢陽輔錄事

鸚鵡洲橫漢陽渡。水引寒煙沒江樹。南浦登樓

鍾伯敬曰。往往妙
于寫景

不見君君今罷官在何處漢口雙魚白錦鱗令
一作是
傳尺素報情人其中字數何多少祇見相思秋
復春

經亂後將避地剡中畱贈崔宣城

雙鵝飛洛陽五馬渡江徼何意在東門胡雛更
長嘯中原走豺虎烈火焚宗廟太白晝經天頽
陽掩餘照王城皆蕩覆世路成奔峭四海望長
安頰眉寡西笑蒼生疑落葉白骨空相弔連兵

楊曰梁震嘗詩
暉散長足細雨
斜交太白亦用
字然其驚人注
則劉綽所謂有
信辭前與古人
乎

似雪山破敵誰能料。我垂北溟翼且學南山豹。
在子賢主人歡娛每相召。胡床紫玉笛却坐青
雲叫。楊花滿州城置酒同臨眺。忽思剡溪去水
石遠青妙。雪晝天地明。風開湖山貌。悶爲洛生
詠。醉發吳越調。赤霞動金光。日足森海嶠。獨散
萬古意。閑垂一溪釣。猿近天上啼。人移月邊棹。
無以墨綬苦來求。丹砂要華髮長折腰。將貽陶
公誚。

寄

○安陸白兆山桃花崑寄劉侍御綰

一作春歸桃花崑貽許侍御

雲臥三十年。好閑復愛仙。蓬壺雖冥絕。鸞鶴心
悠然。歸來桃花崑。得憇雲窻眠。對嶺人共語。飲
潭猿相連。時昇翠微上。邈若羅浮巔。兩岑抱東
壑。一嶂橫西天。樹雜日易隱。崖傾月難圓。芳草
換野色。飛蘿搖春煙。人遠構石室。選幽開山田。
獨此林下意。杳無區中緣。永辭霜臺客。千載方

揚曰太白渡金門
 詩仍連故鄉水萬
 里送行舟送人之
 羅浮詩爾去之羅
 浮余還懸哉眉及
 此詩國門遠天外
 四句皆寓鄉思
 韃薛州人籍于教
 學李白齊名蘇題
 卷西蜀人才云趙
 蕤術最李白文章
 宋人注李詩遺其
 事併附見焉

來旋。

○淮南臥病書懷寄蜀中趙徵君蕤

吳會一浮雲。飄如遠行客。功名莫從就。歲光屢
 奔迫。良圖俄棄捐。衰疾乃綿劇。古琴藏虛匣。長
 劍挂空壁。楚冠懷鍾儀。越吟比莊舄。國門遙天
 外。鄉路遠山隔。朝憶相如臺。夜夢子雲宅。旅情
 初結緝。秋氣方寂歷。風入松下清。露出草間白。
 故人不可見。幽夢誰與適。寄書西飛鴻。贈爾惻

離析。

春日獨坐寄鄭明府

驚麥青青遊子悲。河堤弱柳鬱金枝。長條一拂
春風去。盡日飄揚無定時。我在河南別離久。那
堪坐此對窻牖。情人道來竟不來。何人共醉新
豐酒。

寄淮南故人

紅顏悲舊國。青歲歇芳洲。不待金門詔。空持寶

劍遊海雲迷驛道江月隱鄉樓復作淮南客因
逢桂樹留

沙丘城下寄杜甫

我來竟何事高臥沙丘城城邊有古樹日夕連
秋聲魯酒不可醉齊歌空復情思君若汶水浩
蕩寄南征

聞王昌齡左遷龍標遙有此寄

楊花落盡子規啼聞道龍標過五溪我寄愁心

鍾伯敬曰一片真氣自是李白寄杜甫之作

梅禹金曰正自爾雅

梅禹金曰常植怨詩願作東北風吹我入君懷齊游符心寄明月流影入

君懷此詩兼裁其
意撰成奇語

劉涇溪曰當時人
當時語不知太白
援糟立為重耶而
使千載知其人者

又曰清景逼人終
不刻意

與明月隨風直到夜郎西

桂曰太白絕句篇：其與人別如寄王昌
齡送孟浩然詩作麻段無一分相似奇而風
物萬世一人

憶舊遊寄譙郡元參軍

憶昔洛陽董糟丘為余天津橋南造酒樓黃金
白璧買歌笑一醉累月輕王侯海內賢豪青雲
客就中與君心莫逆迴山轉海不作難傾情倒
意無所惜我向淮南攀桂枝君留洛北愁夢思
不忍別還相隨相隨迢迢訪仙城三十六曲水
迴縈一溪初入千花明萬壑度盡松風聲銀鞍

金絡倒平地。漢東太守來相迎。紫陽之真人邀
我吹玉笙。餐霞樓上動仙樂。嘈然宛似鸞鳳鳴。
袖長管催欲輕舉。漢中太守醉起舞。手持錦袍
覆我身。我醉橫眠枕其股。當筵意氣凌九霄。星
離雨散不終朝。分飛楚關山水遙。余旣還山尋
故巢。君亦歸家渡渭橋。君家嚴君勇貔虎。作尹
并州遏戎虜。五月相呼度太行。摧輪不道羊腸
苦。行來北涼歲月深。感君貴義輕黃金。瓊杯綺

又曰清麗動人

又曰携妓乘景寫
入天際宛轉情徹

食青玉案。使我醉飽無歸心。時時出向城西曲。
晉祠流水如碧玉。浮舟弄水簫鼓鳴。微波龍鱗
莎草綠。興來攜妓恣經過。其若楊花似雪何。紅
粧欲醉宜斜日。百尺清潭寫翠娥。翠娥嬋娟初
月輝。美人更唱舞羅衣。清風吹歌入空去。歌曲
自遶行飛雲。此時行樂難再遇。西遊因獻長楊
賦。北闕青雲不可期。東山白首還歸去。渭橋南
頭一遇君。鬱堂之北又離羣。問余別恨知多少。

落花春暮爭紛紛。言亦不可盡。情亦不可極。呼
兒長跪緘此辭。寄君千里遙相憶。

月夜江行寄崔員外宗之

飄飄江風起。蕭颯海樹秋。登艫美清夜。挂席移
輕舟。月隨碧山轉。水合青天流。杳如星河上。但
覺雲林幽。歸路方浩浩。徂川去悠悠。徒悲蕙草
歇。復聽菱歌愁。听曲迷後浦。沙明瞰前洲。懷君
不可見。望遠增離憂。

新林浦阻風寄友人

江寧 桂曰一作金陵阻風雪書懷寄程

潮水定可信。天風難與期。清晨西北轉。薄暮東南吹。以此難挂席。佳期益相思。海月破圓景。菰蔣生綠池。昨日北湖梅。花開已滿枝。今朝東門柳。夾道垂青絲。歲物忽如此。我來定幾時。紛紛江上雪。草草客中悲。明發新林浦。空吟謝朓詩。

禪房懷友人岑倫

嬋娟羅浮月。搖艷桂水雲。美人竟獨往。而我安

能羣一朝語笑隔萬里。懽情分沉吟。綵霞沒夢
寐。羣芳歇。歸鴻渡三湘。遊子在百粵。邊塵染衣
劔。白日彫華髮。春風變楚關。秋聲落吳山。草木
結愁緒。風沙淒苦顏。竭來已永久。頽思如循環。
飄飄限江裔。想像空畱滯。離憂每醉心。別淚徒
盈袂。坐愁青天末。出望黃雲蔽。目極何悠悠。梅
花南嶺頭。空長滅征鳥。水濶無還舟。寶劔終難
托。金囊非易求。歸來儻有問。桂樹山之幽。

劉須溪曰為此集
態

挂曰方外言語不
拘流例全篇歸闕
佚蕩結絕古今即
使杜工部為之未
易及此高岑輩恐
七齋息又襟期雄
曠辭旨慨慷奇節
別亮無一不可

○廬山謠寄盧侍御虛舟

我本楚狂人鳳歌笑孔丘手持綠玉杖朝別黃
鶴樓五嶽尋仙不辭遠一生好入名山遊廬山
秀出南斗傍屏鳳九疊雲錦張影落明湖青黛
光金闕前開二峯長銀河倒挂三石梁香爐瀑
布遙相望迴崖沓嶂凌蒼蒼翠影紅霞映朝日
鳥飛不到吳天長登高壯觀天地間大江茫茫
去不還黃雲萬里動風色白波九道流雪山好

爲廬山謠興因廬山發閑窺石鏡清我心謝公
行處蒼苔沒久服還丹無世情琴心三疊道初
成遙見仙人綵雲裏手把芙蓉朝玉京先期汗
漫九垓上願接盧敖遊太清

寄王漢陽

南湖秋月白王宰夜相邀錦帳郎官醉羅衣舞
女嬌笛聲喧沔鄂歌曲上雲霄別後空愁我相
思一水遙

○春日歸山寄孟浩然

朱綬遺塵境。青山謁梵筵。金繩開覺路。寶筏度
迷川。嶺樹攢飛栱。嵒花覆谷泉。塔形標海月。樓
勢出江煙。香氣三天下。鍾聲萬壑連。荷秋珠已
滿。松密蓋初圓。鳥聚疑聞法。龍參若護禪。愧非
流水韻。叨入伯牙絃。

江上寄元六林宗

霜落江始寒。楓葉綠未脫。客行悲清秋。永路苦

不達滄波眇川汜。白日隱天末。停棹依林巒。驚
猿相叫聒。夜分河漢轉。起視溟漲濶。涼風何蕭
蕭。流水鳴活活。浦沙淨如洗。海月明可掇。蘭交
空懷思。瓊樹詎解渴。勗哉滄洲心。歲晚庶不奪。
幽賞頗自得。興遠與誰豁。

涇溪東郡寄鄭少府諤

我遊東亭不見君。沙上行將白鷺羣。白鷺行時
散飛去。又如雪點青山雲。欲往涇溪不辭遠。龍

門蹙波虎轉眼杜鵑花開春已闌歸向陵陽釣
魚晚。

三山望金陵寄嚴淑

一作嚴眺官

三山懷謝眺水澹望長安蕪沒河陽縣秋江正
北看盧龍霜氣冷鳩鵲月光寒耿耿憶瓊樹天
涯寄一歡。

畱別

秋日魯郡堯祠亭上宴別杜補闕范侍御

一本無歌鼓句有
南歌憶郢客東傳
見齊姬清波忽淡
蕩白雲紛透迤一
隔范杜遊此歡各
矣遺三韵

桂曰太白天才豪
放警之飛龍游麟
不可羈識放詩中
放言雄論極為浩
瀚而律詩獨步蓋
貴在寫真若爭葩
鬪巧非所事也

我覺秋興逸。誰云秋興悲。山將落日去。水與晴
空宜。魯酒白玉壺。送行駐金羈。歇鞍憇古木。解
帶挂橫枝。歌鼓川上亭。曲度神飈吹。雲歸碧海
夕。鴈沒青天時。相失各萬里。茫然空爾思。

○ 別中都明府兄

吾兄詩酒繼陶君。試宰中都天下聞。東樓喜奉
連枝會。南陌愁爲落葉分。城隅綠水明秋月。海
上青山隔暮雲。取醉不辭畱夜月。鴈行中斷惜

離羣。

○ 夢遊天姥吟留別

一作別東魯諸公

范德棧曰瀛洲難求而不必求天姥可觀而實未觀故歎曰夢觀之耳又曰夢吳越以下夢之源也次諸節巔而晦之而顯至失向來之烟霞極而與人接矣非太白之胞次筆力不能盡此枕席烟霞二句最有力結語平得忘文勢之

海客談瀛洲。煙濤微茫信難求。越人語天姥。雲霓明滅或可覩。天姥連天向天橫。勢拔五嶽掩赤城。天台四萬八千丈。對此欲倒東南傾。我欲因之夢吳越。一夜飛度鏡湖月。湖月照我影。送我至剡溪。謝公宿處今尚在。淥水蕩漾清猿啼。脚着謝公屐。身登青雲梯。半壁見海日。空中聞

當如此也
 王元美曰歐陽公
 自謂廬山高明妃
 曲李杜所不能作
 余謂此非公言也
 果爾公是一夜郎
 王耳無論其他其
 半壁見海日空中
 聞天雞太白率爾
 語公能道否耶
 挂日煦次皆烟霞
 雲石無分毫塵滓
 另是一付言語故
 詩為確到

怪又曰騷語奇之怪

天雞千巖萬轉路不定迷花倚石忽已暝熊咆
 龍吟殷巖泉慄深林兮驚層巔雲青青兮欲雨
 水澹澹兮生煙列缺霹靂丘巒崩摧洞天石扇
 訇然中開青冥浩蕩不見底日月照耀金銀臺
 霓為衣兮風為馬雲之君兮紛紛而來下虎鼓
 琴兮鸞回車仙之人兮列如麻忽魂悸以魄動
 恍驚起而長嗟惟覺時之枕席失向來之煙霞
 世間行樂亦如此古來萬事東流水別君去時

何時還。且放白鹿青崖間。須行即騎訪名山。安能摧眉折腰事權貴。使我不開心顏。

○金陵酒肆留別

風吹柳花滿店香。吳姬壓酒使客嘗。金陵子弟來相送。欲行不行各盡觴。請君試問東流水。別意與之誰短長。

別東林寺僧

浙江

東林送客處。月出白猿啼。笑別廬山遠。何煩過

虎溪。

○黃鶴樓送孟浩然之廣陵

故人西辭黃鶴樓。煙花三月下揚州。孤帆遠影碧空盡。唯見長江天際流。

○渡荆門送別

渡遠荆門外。來從楚國遊。山隨平野盡。江入大荒流。月下飛天鏡。雲生結海樓。仍連故鄉水。萬里送行舟。

敖子發曰。寫別時
悵望之景。而情在
其中。
鍾伯敬曰。更不說
在人上妙。



浙江圖書館

李詩選卷四

送

南陽送客

斗酒勿爲薄。寸心貴不忘。坐惜故人去。偏令遊
子傷。離顏怨芳草。春思結垂楊。揮手再三別。臨
岐空斷腸。

送王屋山人魏萬還王屋

仙人東方生。浩蕩弄雲海。沛然乘天遊。獨往失

所在魏侯繼大名。本家聊攝城。卷舒入元化。跡
與古賢并。十三弄文史。揮筆如振綺。辯折田巴
生。心齊魯連子。西涉清洛源。頗驚人世喧。采秀
臥王屋。因窺洞天門。竭來遊嵩峰。羽客何雙雙。
朝携月光子。暮宿玉女窻。鬼谷上窈窕。龍潭下
奔淥。東浮汴河水。訪我三千里。逸興滿吳雲。飄
颻浙江汜。揮手杭越間。章亭望潮還。濤卷海門
石。雲橫天際山。白雪走素車。雷奔駭心顏。遙聞

會稽美。且度耶溪水。萬壑與千巘。崢嶸鏡湖裏。
秀色不可名。清輝滿江城。人遊月邊去。舟在空
中行。此中久延佇。入剡尋王許。笑讀曹娥碑。沉
吟黃絹語。天台連四明。日入向國清。五峰轉日
色。百里行松聲。靈溪浴沿越。華頂殊超忽。石梁
橫青天。側足履半月。眷然思永嘉。不憚海路賒。
掛席歷海嶠。迴瞻赤城霞。赤城慚微沒。孤嶼前
堯兀。水續萬古流。亭空千霜月。縉雲川谷難。石

揚曰謝靈運與夢
書云聞惡道溪中
九十九里有五十
九灘至右軍遊此
歎其奇絕遂書突
星灘於石

門最可觀。瀑布掛北斗。莫窮此水端。噴壁洒素
雪。空濛生晝寒。却思惡溪去。寧懼惡溪惡。咆哮
七十灘。水石相噴薄。路創李北海。巖開謝康樂。
松風和猿聲。搜索連洞壑。徑出梅花橋。雙溪納
歸潮。落帆金華岸。赤松若可招。沈約八詠樓。城
西孤岧峩。岧峩四荒外。曠望羣川會。雲卷天地
開。波連浙西大。亂流新安口。北指嚴光瀨。釣臺
碧雲中。邈與蒼嶺對。稍稍來吳都。徘徊上姑蘇。

煙綿橫九疑。漭蕩見五湖。目極心更遠。悲歌但
長吁。迴橈楚江濱。揮策揚子津。身著日本裘。昂
藏出風塵。五月造我語。知非佻儻人。相逢樂無
限。水石日在眼。徒干五諸侯。不致百金產。吾友
揚子雲。絃歌播清芬。雖爲江寧宰。好與山公羣。
乘興但一行。且知我愛君。君來幾何時。仙臺應
有期。東窻綠玉樹。定長三五枝。至今天壇人。當
笑爾歸遲。我苦惜遠別。茫然使心悲。黃河若不

桂曰太白天才飄
逸長律雜法度整
嚴而清骨不低

斷。白首長相思。

○送友人尋越中山水

聞道稽山去。偏宜謝客才。千巖泉灑落。萬壑樹
縈迴。東海橫秦望。西陵遶越臺。湖清霜鏡曉。濤
白雪山來。八月枚乘筆。三吳張翰杯。此中多逸
興。早晚向天台。

魯郡堯祠送竇明府薄華還西京

朝策犁眉騮。舉鞭力不堪。強扶愁疾向何處。角

巾微服堯祠南。長楊掃地不見日。石門噴作金
沙潭。笑誇故人指絕境。山光水色青於藍。廟中
往往來擊鼓。堯本無心爾何苦。門前長跪雙石
人。有女如花日歌舞。銀鞍繡轂往復迴。簸林
石鳴風雷。遠煙空翠時明滅。白鷗歷亂長飛雪。
紅泥亭子赤闌干。碧流環轉青錦湍。深沉百尺
洞海底。那知不有蛟龍蟠。君不見綠珠潭水流
東海。綠珠紅粉沉光彩。綠珠樓下花滿園。今日

曾無一枝在。昨夜秋聲闐闐來。洞庭水落騷人
哀。遂將三五少年輩。登高遠望形神開。生前一
笑輕九鼎。魏武何悲銅雀臺。我歌白雲倚窻牖。
爾聞其聲但揮手。長風吹月度海來。遙勸仙人
一杯酒。酒中樂酣宵向分。舉觴酌堯堯。可闕荷
不令臯繇擁篲橫。八極直上青天揮浮雲。高陽
小飲真瑣瑣。山公醕酎何如我。竹林七子去道
賒。蘭亭雄筆安足誇。堯祠笑殺五湖水。至今樵

悴空荷花。爾來西秦。我東越。輒向瀛洲訪金闕。
藍田太白若可期。爲余掃灑石上月。

○單父東樓秋夜送族弟沈之秦

爾從咸陽來。問我何勞苦。沐猴而冠不足言。身
騎士牛滯東魯。沈弟欲行凝弟留。孤飛掛日雁滿秦散。
雲秋坐來黃葉落。四五北斗已掛西城樓。絲桐
感人絃亦絕。滿堂送君皆惜別。卷簾見月清興
來。疑是山陰夜中雪。明日斗酒別。惆悵清路塵。

蕭士贇曰滕顧宗
國之意深矣

梅禹金曰不必言
深黜然猶纒
蕭士贇曰杜嘗有
贈李詩曰何時一
樽酒重與細論文

遙望長安日。不見長安人。長安宮闕九天上。此
地曾經為近臣。一朝復一朝。髮白心不改。屈原
憔悴滯江潭。亭伯流離放遼海。折翩翩飛隨轉
蓬。聞弦虛墜下霜空。聖朝久棄青雲士。他日誰
憐張長公。

魯郡東石門送杜二甫

醉別復幾日。登臨徧池臺。何時石門路。重有金
尊開。秋波落泗水。海色明徂徠。飛蓬各自遠。且

今觀此詩豈一時
酬答之詩耶

盡手中杯。

灞陵行送別

送君灞陵亭。灞水流浩浩。上有無花之古樹。下有傷心之春草。我向秦人問路岐。云是王粲南登之古道。古道連綿走西京。紫闕落日浮雲生。正當今夕斷腸處。黃鸝愁絕不忍聽。

送賀監歸四明應制

久辭榮祿遂初衣。曾向長生說息機。真訣自從

茅氏得恩波。應阻洞庭歸。瑤臺含霧。星辰滿仙
嶠。浮空島嶼微。借問欲栖珠樹鶴。何年却向帝
城飛。

○送羽林陶將軍

將軍出使擁樓船。江上旌旗拂紫煙。萬里橫戈
探虎穴。三杯拔劍舞龍泉。莫道詞人無膽氣。臨
行將贈繞朝鞭。

送程劉二侍郎兼獨孤判官赴安西幕府

安西幕府多材雄。喧喧唯道三數公。繡衣貂裘
明積雪。飛書走檄如飄風。朝辭明主出紫宮。銀
鞍送別金城空。天外飛霜下葱海。火旗雲馬生
光彩。胡塞清塵幾日歸。漢家草綠遙相待。

○送賀賓客歸越

鏡湖流水漾清波。狂客歸舟逸興多。山陰道士
如相見。應寫黃庭換白鵝。

同王昌齡送族弟襄歸桂陽

桂曰情出至惻故
詞調警絕

爾家何在瀟湘川。青莎白石長江邊。昨夢江花
照江國。幾枝正發東窻前。覺來欲往心悠然。魂
隨越鳥飛南天。秦雲連山海相接。桂水橫煙不
可涉。送君此去令人愁。風帆茫茫隔河洲。春潭
瓊草綠可折。西寄長安明月樓。

送外甥鄭灌從軍二首

六博爭雄好彩來。金盤一擲萬人開。丈夫賭命
報天子。當斬胡頭衣錦回。

其二

丈八蛇矛出隴西。彎弧拂劍白猿啼。破胡必用
龍韜策。積甲應將熊耳齊。

其三

月蝕西方破敵時。及瓜歸日未應遲。斬胡血變
黃河水。梟首當懸白鵲旗。

○送祝八之江東賦得浣沙石

西施越溪女。明艷光雲海。未入吳王宮裏時。浣

沙古石今猶在。桃李新開映古查。菖蒲猶短出
平沙。昔時紅粉照流水。今日青苔覆落花。君去
西秦適東越。碧山清江幾超忽。若到天涯思故
人。浣沙石上窺明月。

○金陵送張十一再遊東吳

張翰黃花句。風流五百年。誰人今繼作。夫子世
稱賢。再動遊吳棹。還浮入海船。春光白門柳。霞
色赤城天。去國難爲別。思歸各未旋。空餘賈生

淚相顧共悽然。

○送蕭三十一之魯中兼問稚子伯禽

六月南風吹白沙。吳牛喘月氣成霞。水國鬱蒸不可處。時炎道遠無行車。夫子如何涉江路。雲帆嫋嫋金陵去。高堂倚門望伯魚。魯中正是趨庭處。我家寄在沙丘傍。三年不歸空斷腸。君行既識伯禽子。應駕小車騎白羊。

○送楊山人歸蒿山

劉須溪曰超然天
地間可以不死豈
特不經人道哉

我有萬古宅。嵩陽玉女峯。長留一片月。挂在東

溪松。一作君將到此舉餐霞駐衰容爾去掇仙草。菖蒲花紫茸。歲晚或相訪。青

天騎白龍。

○送殷叔三首

海水不可解。連江夜為潮。俄然浦嶼濶。岸去酒

船遙。惜別耐取醉。鳴榔且長謠。天明爾當去。應

便有風飄。

○其二

浙江圖書

揚曰太白詩天山
三丈雪豈是遠行
時又云水國秋風
夜殊非遠別時豈

白鷺洲前月。天明送客迴。青龍山後日。早出海
雲來。流水無情去。征帆逐吹開。相看不忍別。更
進手中杯。

○ 其三

痛飲龍筇下。燈青月復寒。醉歌驚白鷺。半夜起
沙灘。

○ 送陸判官往琵琶峽

水國秋風夜。殊非遠別時。長安如夢裏。何日是

是殊非後幻二字
愈出愈奇益蜀韓
琮詩青青河畔草
不是望鄉時六祖
太白句法

歸期。

8 宣州謝朓樓餞別校書叔雲

一作陪侍御叔華登樓

棄我去者昨日之日不可留。亂我心者今日之日多煩憂。長風萬里送秋鴈。對此可以斟高樓。蓬萊文章建安骨。中間小謝又清發。俱懷逸興壯思飛。欲上青天覽日月。抽刀斷水水更流。舉杯銷愁愁更愁。人生在世不稱意。明朝散髮弄扁舟。

一作波

一作男兒

一作舉掉鬢髮

○杭州送裴大澤時赴廬州長史

西江天柱遠。東越海門深。去割辭親戀。行憂報國心。好風吹落日。流水引長吟。五月披裘者。應知不取金。

酬答

○浙江 詵字文少府見贈桃竹書筒

桃竹書筒綺繡文。良工巧妙稱絕羣。靈心圓映三江月。彩質疊成五色雲。中藏寶訣峨眉去。千

撥曰錦囊卷之懷
袖間養字最妙李
廷珪藏墨訣曰贈
爾烏玉映泉清視
須索避暑懸膏藥
臨風度梅月

里提携長憶君。

○ 訓張司馬贈墨

館

上黨碧松煙。夷陵丹砂末。蘭麝凝珍墨。精光乃

堪撥。黃頭奴子雙鴉鬟。錦囊養之懷袖間。今日

贈余蘭亭去。興來灑筆會稽山。

○ 答湖州迦葉司馬問白是何人

青蓮居士謫仙人。酒肆藏名三十春。湖州司馬

何須問。金粟如來是後身。

揚曰子建詩譬海
出明珠與此如天
落雲錦句法同五
言如葛蒲花紫茸
登華不在峯及此
白皆奇崛異常

○ 訓崔十五見招

爾有鳥跡書。相招琴溪飲。手跡尺素中。如天落
雲錦。讀罷向空笑。疑君在我前。長吟字不滅。懷
袖且三年。

遊宴

○ 東魯門泛舟

日落沙明天倒開。波搖石動水縈迴。輕舟泛月
尋溪轉。疑是山陰雪後來。

携妓登梁王棲霞山孟氏桃園中

碧草已滿地。柳與梅爭春。謝公自有東山妓。金
屏笑坐如花人。今日非昨日。明日還復來。白髮
對綠酒。強歌心已摧。君不見梁王池上月。昔照
梁王樽酒中。梁王已去。明月在。黃鸝愁醉啼春
風。分明感激眼前事。莫惜醉臥桃園東。

○侍從遊宿溫泉宮作

羽林十二將。羅列應星文。霜仗懸秋月。霓旌卷

桂曰大白木自放
逸至為侍從應制

等作無不精謹如
溫泉宮詩古今絕
唱

夜雲嚴更千戶肅清樂九天聞日出瞻佳氣葱
葱繞聖君

陪侍郎叔遊洞庭醉後三首

今日竹林宴我家賢侍郎三杯容小院醉後發
清狂

其二

船上齊橈樂湖心泛月歸白鷗閑不去爭拂酒
筵飛

蕭士贇曰木華海賦曰乃錐臨崖之阜陸夾波潢而相後群山既畧蕩穴俱流此首二句意出于此錐與刻篆通杜亦用曰意款錐疊障今約引此詩于刻字下

及也教子數曰游覽詩妙在綴景而畧寫懷古之意此詩綴景宏潤有吞吐湖山之氣落句感慨之情深矣

其三

刻却君山好平鋪湘水流巴陵無限酒醉殺洞庭秋

陪族叔刑部侍郎曄及中書賈舍人至遊

洞庭五首

洞庭西望楚江分水盡南天不見雲日出長沙秋色遠不知何處吊湘君

其二

蔣仲舒曰與白雲明月吊湘娥相看鍾山歌曰已形容秋色遠耳俗人誤認用湘君事

鍾伯敬曰寫洞庭
寥廓初香混在言
外
又曰水月靜夜身
歷乃知

壯
劉須溪曰自是逃

南湖秋水夜無煙，耐可乘流直上天。且就洞庭
賒月色，將船買酒白雲邊。

○ 其三

洛陽才子謫湘川，元禮同舟月下仙。記得長安
還欲笑，不知何處是西天。

其四

洞庭湖西秋月輝，瀟湘江北早鴻飛。醉客滿船
歌白紵，不知霜露入秋衣。

○ 其五

帝子瀟湘去不還。空餘秋草洞庭間。淡掃明湖
開玉鏡。丹青畫出是君山。

登覽

○ 登峨眉山

蜀國多仙山。峨眉邈難匹。周流試登覽。絕怪安
可息。青冥倚天開。彩錯疑畫出。泠然紫霞賞。果
得錦囊術。雲間吟瓊簫。石上弄寶瑟。平生有微

尚歡笑自此畢。煙容如在顏。塵累忽相失。儻逢
騎羊子。攜手凌白日。館

○登新平樓

去國登茲樓。懷歸傷暮秋。天長落日遠。水淨寒
波流。秦雲起嶺樹。胡鴈飛沙洲。蒼蒼幾萬里。目
極令人愁。

浙江圖書館



浙江圖書館

李詩選卷五

行役

館

○ 下途歸石門舊居

書

吳山高。越水清。握手無言傷別情。將欲辭君挂
帆去。離魂不散煙郊樹。此心鬱悵誰能論。有愧
叨承國士恩。雲物共傾三月酒。歲時同餞五侯
門。羨君素書常滿案。含丹照白霞色爛。余嘗學
道窮冥筮。夢中往往遊仙山。何當脫屣謝時去。

壺中別有日月天。俛仰人間易凋朽。鍾峰五雲
在軒牖。惜別愁窺玉女窻。歸來笑把洪崖手。隱
居寺。隱居山陶公鍊液棲其間。靈神閉氣昔登
攀。恬然但覺心緒閑。數人不知幾甲子。昨夜猶
帶冰霜顏。我離雖則歲物改。如今了然失所在。
別君莫道不盡歡。懸知樂客遙相待。石門流水
徧桃花。我亦曾到秦人家。不知何處得雞豕。就
中尋見繁桑麻。翛然遠與世事間。裝鸞駕鶴又

復遠何必長從七貴遊。勞生徒聚萬金產。挹君
去長相思。雲遊雨散從此辭。欲知悵別心易苦。
向暮春風楊柳絲。

○客中行

蘭陵美酒鬱金香。玉椀盛來琥珀光。但使主人
能醉客。不知何處是他鄉。

○太原早秋

歲落衆芳歇。時當大火流。霜威出塞早。雲色渡

揚曰方歌朝見黃
牛暮見黃牛三朝
三暮黃牛如故言
上峽舟行之遲也

河秋夢繞邊城月。心飛故國樓。思歸若汾水。無日不悠悠。

○ 上三峽

鍾伯敬曰：緝響似峽中語。

巫山夾青天。巴水流若茲。巴水忽可盡。青天無到時。三朝上黃牛。三暮行太遲。三朝又三暮。不覺鬢成絲。

○ 早發白帝城

一作白帝下江陵

桂曰：此有作者無此聲調無此飄逸

朝辭白帝彩雲間。千里江陵一日還。兩岸猿聲

啼不盡輕舟已過萬重山。

○秋下荆門

館

霜落荆門江樹空。布帆無恙挂秋風。此行不爲鱸魚膾。自愛名山入剡中。

○宿五松山下荀媪家

我宿五松下。寂寥無所歡。田家秋作苦。隣女夜春寒。跪進彫胡飯。月光明素盤。令人慙漂母。三謝不能餐。

懷古

○蘇臺覽古

舊苑荒臺楊柳新菱歌清唱不勝春只今惟有

西江月曾照吳王宮裏人

蔣春甫曰得句全在只今惟有四字

○陪宋中丞武昌夜飲懷古

清景南樓夜風流在武昌庾公愛秋月乘興坐
胡床龍笛吟寒水天河落曉霜我心還不淺懷

古醉餘觴

飛滄浪曰律詩有
微首尾不對者皆
又從字順音韻鑑
辨盛唐諸公有此
蘇觀此及長信宮
半渚懷古是也

宿巫山下

昨夜巫山下。猿聲夢裏長。
桃花飛綠水。三月下瞿塘。
雨色風吹去。南行拂楚王。
高丘懷宋玉。訪古一霑裳。

○謝公亭

謝公離別處。風景每生愁。
客散青天月。山空碧水流。
池花春映日。窻竹夜鳴秋。
今古一相接。長歌懷舊遊。

閑適

○魯中都東樓醉起作

昨日東樓醉一作城醉還應倒接籬一作歸來阿誰扶上馬不省下

樓時

○夜泊牛渚懷古

牛渚西江夜。青天無片雲。登舟望秋月。空憶謝

將軍。余亦能高詠。斯人不可聞。明朝挂帆席。楓

葉落紛紛。

圖

書

館

梅禹金曰是學古十九首

梅禹金曰古詩相別日以遠衣帶日以緩而太白仍其語曰別後羅帶長所謂延年善賦

○清溪半夜聞笛

羌笛梅花引。吳溪隴水情。寒山秋浦月。腸斷玉

關聲。

感遇

○擬古六首

青天何歷歷。明星如白石。黃姑與織女。相去不盈尺。銀河無鵲橋。非時將安適。閨人理紈素。遊子悲行役。瓶水知冬寒。霜露欺遠客。客似秋葉

梅馮金曰同心其
難賢者不信千載
猶斯可勝測測

飛。飄飄不言歸。別後羅帶長。愁寬去時衣。乘月
託宵夢。因之寄金徽。

其二

高樓入青天。下有白玉堂。明月看欲墮。當窻懸
清光。遙夜一美人。羅衣沾秋霜。含情弄柔瑟。彈
作陌上桑。絃聲何激烈。風卷遶飛梁。行人皆躑
躅。棲鳥去迴翔。但寫妾意苦。莫辭此曲傷。願逢
同心者。飛作紫鴛鴦。

接馬金曰是達生
語戲奴可怪

蕭士贊曰古詩中
有此解

○ 其三

長繩難繫日。自古共悲辛。黃金高北斗。不惜買
陽春。石火無畱光。還如世中人。卽事已如夢。後
來我誰身。提壺莫辭貧。取酒會四隣。仙人殊悅
惚。未若醉中真。

○ 其四

月色不可掃。客愁不可道。玉露生秋衣。流螢飛
百草。日月終銷毀。天地同枯槁。蟪蛄啼青松。安

蕭士贇曰辭微意顯

劉涇溪曰極其愁思語意終捷左詩唐詩之異以此而

見此樹老。金丹寧誤俗。昧者難精討。爾非千歲翁。多恨去世早。飲酒入玉壺。藏身以為寶。

其五

涉江弄秋水。愛此荷花鮮。攀荷弄其珠。蕩漾不成圓。佳期綵雲重。欲贈隔遠天。相思無由見。悵望涼風前。

其六

去去復去去。辭君還憶君。漢水既殊流。楚山亦

浙江圖書館

親人亦以此他人
不知太白者情事
淺耳謂其詩十九
婦人非知白者之
非知詩者

鍾伯敬曰知字不
遣字不見着力之
痕

此分。人生難稱意。豈得長為羣。越燕喜海日。燕
鴻思朔雲。別久容華晚。琅玕不能飯。日落知天
昏。夢長覺道遠。望夫登高山。化石竟不返。

題

○ 勞勞亭

天下傷心處。勞勞送客亭。春風知別苦。不遣柳
條青。

浙江圖

題江夏修靜寺

我家北海宅。作寺南江濱。空庭無玉樹。高殿坐
幽人。書帶留青草。琴堂羃素塵。平生種桃李。寂
滅不成春。

○ 題宛溪館

一作久照心益明

吾憐宛溪好。百尺照心明。可謝新安水。千尋見
底清。白沙留月色。綠竹助秋聲。却笑嚴湍上。于
今獨擅名。

○ 觀胡人吹笛

浙

書

館

桂曰格韻敬逸

胡人吹玉笛。一半是秦聲。十月吳山曉。梅花落
敬亭愁。聞出塞曲。淚滿逐臣纓。却望長安道。空
懷戀主情。

宣城見杜鵑花

蜀國曾聞子規鳥。宣城還見杜鵑花。一叫一回
腸一斷。三春三月憶三巴。

三五七言

秋風清。秋月明。落葉聚還散。寒鴉棲復驚。相思

相見知何日。此時此夜難為情。

哀傷

○哭宣城善釀紀叟

鍾伯敬曰夜臺中還占地步

紀叟黃泉裏。還應釀老春。夜臺無曉日。沽酒與

何人

一作題戴老酒店云戴老黃泉下還應釀大春夜臺無
李白沽酒與何人

揚曰予家古本作
夜臺無李白此句
絕妙不但齊一死
生又且難視由明
矣昧者改為夜臺
無曉日夜臺自無
曉日又其下句何
人字不相干甚矣
士俗不可醫也

浙江圖書















浙江圖書館



浙江圖書館


colorchecker CLASSIC



x-rite



colorchecker CLASSIC



write

http://www.munsellcolorservices.com